

ANDREAS SAMPERS

DE ELIGENDO BEATO IOANNE NEP. NEUMANN
IN EPISCOPUM DE PHILADELPHIA

documenta romana (oct. 1851-febr. 1852)

INTRODUCTIO

Quando mense augusti 1851 Exc.mus Franciscus Patritius Kenrick (1797-1863) a Sede de Philadelphia ad quam die 22 apr. 1842 per coadiutoriam evector fuerat (1), ad Sedem archiepiscopalem de Baltimore translatus fuit, novus episcopus Philadelphae nominandus erat.

Die 14 X 1851 ipse Exc.mus Kenrick Em.mo Iacobo Philippo Fransoni, S. Congregationis de Propaganda Fide praefecto, tres candidatos proposuit: Eduardum Purcell, Vicarium generalem dioeceseos de Cincinnati, Ioannem Nep. Neumann CSSR, Rectorem collegii S.i Alfonsi in Baltimore, et Guillelmum Elder (2), professorem theologiae in seminario S. Mariae prope Emmitsburg (Doc. 1). Quamquam P.em Neumann secundo loco posuerit, eum tamen dignissimum habuit, sicuti paulo post P.i Bernardo Smith OSB (3) communicavit (Doc. 4) et post mensem etiam Cardinali Fransoni scripsit (Doc. 9).

Desiderio Exc.mi Kenrick obsecundantes, octo alii archiepiscopi et episcopi Statuum Americae Foederatorum etiam opinionem suam de candidato eligendo Em.mo Fransoni patefecerunt, quorum aliqui propositum Exc.mi Kenrick simpliciter probaverunt, ut Exc.mi Antonius Blanc de New Orleans (Doc. 2) et Petrus Richardus Kenrick de St. Louis (Doc. 3), Francisci frater. Exc.mi Ignatius Aloisius Reynolds de Charleston (Doc. 5) et Iacobus Olivarius Van de Velde SI de Chicago (Doc. 10) explicitis verbis P.em Neu-

(1) Post mortem Exc.mi Henrici Conwell; non *Cornell*, uti scribitur nomen in *Enc. Catt.* VII [1951] 674.

(2) Postea episcopus de Natchez (consecr. die 3 V 1857); ad Sedem tit. de Avara promotus die 30 I 1880 tamquam coadiutor archiepiscopi de Cincinnati, Ioannis Bapt. Purcell, cui successit die 4 VII 1883.

(3) De Bernardo Smith, tunc temporis Vice-Rectore Collegii Hibernici de Urbe, cfr notitiam recentem in *Asprenas* 10 (1963) 19 not. 4.

mann commendaverunt, quod fecit etiam Richardus Vincentius Whelan de Wheeling (Doc. 8), quamvis non sine quadam haesitatione. Exc.mus Michael O'Connor de Pittsburgh anceps mansit cum certa propensione tamen ad candidaturam D.ni Purcell (Doc. 13). Exc.mus Ioannes McGill de Richmond ut dignissimum D.num Purcell praedicavit (Doc. 14). Exc.mus Franciscus Xav. Gartland de Savannah alium candidatum proposuit (Doc. 6).

Dum hae litterae Romam mittebantur, rumor de proposita nominatione P.is Neumann in Congregatione nostra innotuit et ipse P. Neumann Vicario generali Congregationis Transalpinae, Rudolfo von Smetana (4), scripsit, ut apud summam romanam auctoritatem interveniret, ne ad episcopatum deputaretur (5). Statim P. Smetana libellum supplicem Summo Pontifici misit (Doc. 12), sicut et fecit P. Brixius Queloz (6), Socius Procuratoris generalis CSSR pro rebus ad Congregationem Transalpinam pertinentibus (Doc. 11).

Die 26 ian. 1852 Congregatio generalis Cardinalium quaestionem de nominando novo episcopo pro Sede de Philadelphia in S. Congregatione de Propaganda Fide pertractavit (Doc. 15^a), et decisum est supplicandum esse Summo Pontifici pro nominatione P.is Neumann (Doc. 15^b). In audientia die 1 febr. Exc.mo Alexandro Barnabò, S. Congregationis de Propaganda Fide secretario, concessa Pius IX propositam nominationem confirmavit (Doc. 16), et exinde die 5 febr. a S. Congregatione de Propaganda Fide decretum nominationis confectum est (Doc. 17).

Uti in titulo indicavimus, solum documenta in archivis romanis conservata hic transscribimus; pro aliis documentis, v.g. pro epistulis inter episcopos Americanos mutatis, remittimus ad librum P.is Curley, ubi tota quaestio de nominando candidato ad Sedem de Philadelphia optime delucidatur (7).

Transcriptionem damus secundum photocopias documentorum in archivio generali nostro conservatas (8), factas aliquot annos abhinc ex originalibus quae adsunt in archivio S. Congregationis de Propaganda Fide. Ibi habentur litterae originales (9) et etiam « positio » super nominatione, in qua sunt typis cusae (10). Unius documenti conservatur copia in archivio nostro generali et alius documenti habetur minuta (11). Spe inveniendi originales

(4) Notitiae biographicae in *Spic. hist.* 2 (1954) 272 n. 151.

(5) Uti ex Doc. 11 desumimus, P. Neumann hoc modo P.i Smetana scripsit, qui epistolam P.i Queloz transmisit. Has epistulas in archivio nostro generali invenire nequivimus; etiam nos latent epistulae de hac re mutatae inter P.em Smetana et P.em Bernardum Hafkenschaid, tunc temporis Superiorem Prov. Americanae CSSR.

(6) Notitiae biographicae in *Spic. hist.* 2 (1954) 268 n. 136.

(7) M. CURLEY, *Venerable John Neumann, CSSR, fourth bishop of Philadelphia*, Washington [1952], 165-175.

(8) AG Pr.Am. V Personalialia (Neumann).

(9) Archivio della S. Congregazione della Propaganda Fide (*abbrev.*: APF). Scritture originali riferite nelle Congregazioni generali (*abbrev.*: SRCG), vol. 975 f° 81-104.

(10) APF Acta vol. 241 f° 46-56.

(11) Doc. 11 (libellus supplex P.is Queloz), et Doc. 12 (libellus supplex P.is Smetana).

duas epistulas ad P. em Bern. Smith missas adivimus archivum Collegii Hibernici de Urbe, sed frustra (12).

In fine notamus quasdam harum epistularum partes iam bis typis cusas esse in « positionibus » processus beatificationis S. D. Ioannis Nep. Neumann; in has transscriptiones tamen varii errores irrepserunt, maxime in nominibus (13).

DOCUMENTA

1. - 1851 X 14, Baltimore. - Epistula Francisci Patritii Kenrick, Archiepiscopi de Baltimore, ad Card. Franson. - *Orig.*: APF SRCG vol. 975 f° 83-83^v; *copia* typis cusa: APF Acta vol. 214 f° 50-50^v (Sommario n. I).

Eminentissime et Reverendissime Princeps,

Acceptis Apostolicis Litteris quibus in Sedem Metropolitanam Baltimoreensem evectum me intellexi, Dei voluntati per Summum Pontificem patefactae absque mora acquievi, omnia me posse in eo qui me confortat confisus. Huc igitur delatus, a clero populoque exceptus sum laetis animis, et ad obtemperandum paratis. Jam vero teneor sollicitudine de Dioecesi Philadelphensi, quae impraesentiarum regitur ab Ad. Rev. D.no Eduardo I. Sourin, qui Vicarii mei Generalis munere fungebatur, et Administratoris nomine, vacante sede, auctoritatem exercere pergit (14). Mihi quidem carissimus est ob morum dulcedinem, et ingenio, facundia, zelo claret, sed vi animi et iudicio vix pollet quod regimini pernecessarium est. Tres alios sacerdotes idcirco S. Sedi commendandos duxi, ut ex iis, si ita videatur, designetur qui Episcopatum Philadelphensem teneat, qui vix vacare potest etiam ad breve tempus absque gravi religionis dispendio.

Eduardus Purcell, Vicarius Generalis Cincinnatensis, eloquentia et ingenio insignis est rerumque peritia gerendarum, doctrina et moribus commendabilis, et ab annis facile viginti quinque in Foederatis Statibus versatus est, in Hibernia natus. Joannes N. Neumann, ex Germania huc se contulit ante annos plurimos presbyter saecularis (15), et deinceps in Congregationem

(12) Doc. 4 et 6.

(13) *Positio super Introductione Causae*, Romae 1894, [pars IV] Novum Summarium additionale, pp. 17-30; et *Positio super Virtutibus*, Romae 1907, [pars II] Summarium et sylloges, pp. 773-786.

(14) Neumann confirmavit Sourin in munere Vicarii generalis; S. postea Societati Iesu nomen dedit.

(15) Neumann nondum erat sacerdos, quando ad Americae oras appulit, sed paulo post, die 25 VI 1836, in New York presbyteratus ordinem recepit. - Cfr *Spic. hist.* 11 (1963) 97.

SS. Redemptoris cooptatus est, et nunc Rectoris Ecclesiae S. Alphonsi in hac urbe munere fungitur, doctrina, pietate, zelo, rerum peritia et Anglici idiomatis, sicut et Germanici, copia praestans. Gulielmus Elder, Baltimori natus, alumnus quondam Collegii Urbani, Doctor Theologiae, et Professor in Collegio S. Mariae prope Emmitsburgum, pietate et zelo ornat, ceterisque animi dotibus, quatenus mihi videtur. - Horum igitur nomina ad Episcopos suffraganeos et Archiepiscopos ceteros transmittito, ut eorum iudicium et ipsi S. Congregationi quamprimum exponant.

Reliquum est, ut gratias agam amplissimas Summo Pontifici qui me tanto auxit munere, Eminentia V. Rev.ma suadente, cui me debitorem agnosco tot acceptis beneficiis. Sacram deosculans purpuram, me profiteor ex animo

Em.ae V.ae Rev.mae

Addictissimum famulum :
Franciscus Patritius Kenrick
Arch. Balt. designatus

Baltimori, 14 Octobris 1851

2. - 1851 X 22, New Orleans. - Epistula Antonii Blanc, Archiepiscopi de New Orleans, ad Card. Fransoni. - *Orig.*: APF SRCG vol. 975 f° 85; *copia typis cusa*: APF Acta vol. 214 f° 50^v (Sommario n. II).

Nouvelle Orléans, 22 8^{bre} 1851

Eminence

Par sa lettre du 14 de ce mois Mgr. Kenrick, Archevêque élu de Baltimore, m'informe qu'il vient d'adresser à la Sacrée Congrégation les noms de trois prêtres qu'il a crus dignes d'être présentés et recommandés à Sa Sainteté, pour qu'Elle daigne en désigner un, qui revêtu de la dignité épiscopale puisse remplir la vacance du Siège de Philadelphie.

Sa Grandeur desirant, en même temps, que j'adresse à la Sacrée Congrégation mon opinion sur le mérite de ces trois ecclésiastiques, savoir: in 1^o loco, Eduardum Purcell, 2^o Joannem S. Newmann [*sic*], 3^o Guillelmum Elder, je crois, dans mon humble opinion, que le choix ne pouvait être plus judicieux, et que s'il plaît à Sa Sainteté de choisir le premier Pasteur de l'Eglise de Philadelphie parmi ces trois ecclésiastiques, tous les Catholiques de ce beau Diocèse ne pourront que s'en réjouir et en être reconnoissants.

J'ai l'honneur d'être, avec le plus profond respect de Votre
Eminence et de la Sacrée Congrégation

Le très humble et très obéissant serviteur
† Ant. Archev. de la N. Orléans

3. - 1851 X 24, St. Louis. - Prima pars epistolae Petri Richardi Kenrick, Archiepiscopi de St. Louis, ad Card. Fransonii. - *Orig.*: APF SRCG vol. 975 f° 87; *copia* typis cusa: APF Acta vol. 214 f° 51 (Sommario n. III).

St. Ludovici, 24 Octobris 1851

Eminentissime Praesul!

Litteris acceptis Archiepiscopi Baltimorensis designati, mei est officii Sacrae Congregationi aperire, quid de presbyteris a prae-
laudato Praesule Sanctae Sedi commendatis, ut ex iis successor ei in Sede Philadelphensi daretur, sentirem. In praesenti rerum statu satius duxi in sententiam Archiepiscopi designati descendere, quaecumque fuerit, cum ipsi innotescerent tum eorum dotes tum Ecclesiae Philadelphensis necessitates, quam sententiam propriam cum errandi in re adeo gravi periculo edere.

[...]

Sum Eminentiae Tuae

famulus obsequentissimus in Xto
† Petrus Ricardus
Archiep. S. Ludovici

4. - 1851 X 26, Baltimore. - Excerptum in versione italica epistolae Francis Patritii Kenrick ad Rev. Bernardum Smith, Vice-Rectorem Collegii Hibernici, Romae. - Excerptum *originale* a Bernardo Smith exaratum: APF SRCG vol. 975 f° 89-89^v; *copia* typis cusa: APF Acta vol. 214 f° 51-51^v (Sommario n. IV).

Monsignor [Francesco] Patrizio Kenrick, Arc° di Baltimore, scrive quanto segue:

Baltimore, 26 Ottobre 1851

Presi possesso nella Città Metropolitana il giorno dieci, e fui accolto con applausi tanto dal clero quanto dal popolo. Dopo quel tempo mandai tre nomi alla Sacra Congregazione per la Sede di Filadelfia; e sono: Edwardo Purcell, Vicario Generale di Cincinnati, Giovanni Nepomuceno Neumann, Redentorista, e Guglielmo Elder (16), antico alunno del Collegio Urbano.

(16) Ita nomen scribitur in APF Acta vol. 214 f° 51 (Summarium typis cusum); in excerpto originali a P.e Smith exarato habetur erronee: *Guilielmo Henry*.

Di questi il Padre Neumann mi sembra il più degno per causa della sua pietà singolare e dottrina, e perché essendo Alemanno conosce la lingua tedesca insieme coll'inglese. Per rispetto al Vescovo di Richmond ho messo nel primo luogo il Sig. Purcell (17), ma il mio giudizio in coscienza deve esser per il secondo. Voi potete spiegare questo a Sua Eminenza il Card. Prefetto. - L'amministratore presente della Diocesi è un uomo dotto e pio, ma non è tagliato per esser Vescovo (18).

D. Bernardo Smith

5. - 1851 X 31, Charleston. - Epistula Ignatii Aloisii Reynolds, Episcopi de Charleston, ad Card. Franson. - *Orig.*: APF SRCG vol. 975 f° 91-91^v; *copia* typis cusa: APF Acta vol. 214 f° 51^v-52 (Sommario n. V).

Eminentissime Princeps.

Accepi modo litteras a R.mo Archiepiscopo Baltimorensi, quibus significat, proposuisse se pro vacante Sede Philadelphiensis tres hosce candidatos, scilicet: *primo loco* Adm. Rev. Eduardum Purcell, *secundo* Rev. Jo. Nepomucenum Neumann ex Congregatione SS.mi Redemptoris, *tertio* Rev. Gulielmum Elder.

Id unum commemorabo, me imprimis et impense probare eum, qui secundo loco ponitur, Rev. Neumann. Fatentur omnes [eum] esse virum eximiae doctrinae, maximae in Deum pietatis ac zeli. Quindecim jam annos in America commoratus, linguam nostram optime callet, eademque utitur satis prompte et expedite. Quod Germanus sit, odiosum fortasse erit nonnullis; quod praeterea religiosus sit, haud pauci e clero aegre ferent. Scio equidem haec urgeri a nonnullis; ab quodam praesertim Episcopo ex iis qui Rev. D. Purcell maxime favent, qui et R.mo Archiepiscopo Baltim. hujus rei gratia persuasit, ut alterum priori loco nominaret (19). Verum licet haec omnia quamdam difficultatis speciem praeseferant, tamen pro certo habeo, brevi fore, ut Rev. Neumann, si in Episcopum eligatur, gratiam ineat apud omnes tum ex clero tum ex populo catholico suae Dioeceseos; habet enim egregias animi dotes, quibus omnium animos et voluntatem ad se quodammodo rapiat.

Quod negant eum facundum esse et ornatum in concionando, parum movet. Neque probo, tantam in eligendis Episcopis facundiae rationem haberi. Quod longe utilius atque optabilius est:

(17) Vide epistolam episcopi de Richmond, infra Doc. 14.

(18) Eduardus Sourin; cfr opinionem de eo ab Exc.mo Kenrick expressam in epistula diei 14 X 1851 (Doc. 1).

(19) Episcopus de Richmond, vide Doc. 4 et 14.

Rev. Neumann verbum Dei nunciare poterit Germanis et Gallis suae Dioecesis. Utramque enim optime intelligit. Germani autem in Pennsylvania sunt longe plurimi.

Ceteris paribus, Americanum hominem alienigenis anteponendum [esse] censeo, praesertim si eloquentiae laude floreat. Rev. autem Neumann alios supra memoratos ecclesiasticae doctrinae et linguarum scientia longissime antecellit. Rev. Gulielmus Elder est vir egregius et optimae famae; nullo tamen modo idoneus, qui ad tantam Sedem eligatur.

Deum semper rogo, ut Eminentiam Tuam quam diutissime servet in bonum Ecclesiae.

Eminentiae Tuae

Humillimus in Xto famulus
† Ignatius Aloysius Reynolds
Episcopus Carolopolitanus

Iacobus Andr. Corcoran, Al. Prop: Fide
Secretarius pro temp.

Dabam Carolopoli, prid. Kal. Nov. an. 1851

6. - [sine diei et loci indicatione]. - Excerptum in versione italica epistulae Francisci Xav. Gartland, Episcopi de Savannah, ad Rev. Bernardum Smith. - Excerptum *originale* a Bernardo Smith exaratum: APF SRCG vol. 975 f° 93; *copia* typis cusa: APF Acta vol. 214 f° 52 (Sommario n. VI).

Lettera di Monsig. Gartland, Vescovo di Savannah:

Vi prego di far sapere a Sua Eminenza il Card. Prefetto della Propaganda, che essendosi la Sede Vescovile di Filadelfia una delle più importanti degli Stati Uniti, Monsig. O'Connor, l'attuale Vescovo di Pitsburgo, sarebbe il più adatto per quella Diocesi. E son certo che la sua nomina darebbe piacere tanto al clero quanto al popolo. In questo caso si potrebbe nominare il Rev. Sig. Purcell per la Diocesi di Pitsburgo.

D. Bernardo Smith

7. - 1851 XI 14, New York. - Epistula Ioannis Hughes, Archiepiscopi de New York, ad Card. Frasoni. - *Orig.*: APF SRCG vol. 975 f° 95-96; *copia* typis cusa: APF Acta vol. 214 f° 52-53 (Sommario n. VII).

Hanc epistulam non transscribimus, quia in ea non datur iudicium de tribus candidatis propositis pro Sede de Philadelphia, sed dantur tantum rationes quasdam generales, dissuadentes translationem episcoporum ab una Sede ad alteram in Statibus Unitis.

8. - 1851 XI 17, Wheeling. - Epistula Richardi Vincentii Whelan, Episcopi de Wheeling, ad Card. Fransoni. - *Orig.* : APF SRCG vol. 975 f° 97-97^v; *copia* typis cusa: APF Acta vol. 214 f° 53-53^v (Sommario n. VIII).

Wheeling, die 17^a Nov. 1851

Eminentissime et Rev.me D.ne,

Cum pro Dioecesi Philadelph. tria nomina mihi missa fuerint, utpote eorum qui sint ad hoc munus idonei et tanto honore digni, hac de re sententiam meam Sanctae Sedi per Eminentiam Tuam exponere jamjam debui. In excusationem sit praecipue aegritudo non sine periculo vitae, cui fas sit addere et rerum agendarum copiam et difficultatem seligendi quem ut vere idoneum proponerem.

Prius ab Ill.mo et R.mo D. Kenrick nominatum (D. Rev. Ed. Purcell) commendare nollem. Tardius ad sacrum ministerium admissus, dum in saeculo viveret aliquando officium religionis negligens, et exinde multum deditus rebus fere omnino saecularibus Ecclesiae, nec mihi videtur abundare scientia ecclesiastica, nec etiam vigorem animi (anglice: *Energy*) habere, qui ita necessarius est in praesenti statu rerum nostrarum. Carere etiam videtur, quamvis sacerdos bonorum morum, fervore et devotione tam in Episcopo optandis, qui debet esse forma gregis.

Secundo loco positum (Rev. Newman [*sic*]) et scientiam et pietatem debitam habere existimo; in sua Congregatione et pro Missionibus perutilem [eum] esse scio. Mea tamen sententia non satis novit opiniones, necessitates, mores, exigentias, statum populi nostri, et quoad exteriorem hominem valde distat a norma quae hactenus inter nos, propter adjuncta rerum, numerum praecipue Protestantium et aliorum, necessaria visa est, ut quis Episcopali officio digne et utiliter fungeretur.

Tertius (Rev. Guilel. Elder) junior est et experientia Missionum omnino caret. Hunc post aliquot tantum annos commendandum putarem.

Inter tres secundum ego malle commendare Eminentiae Tuae.

Omnia Tibi fausta precans

Eminentiae Tuae

Obed.mus et Obseq.mus

† Richardus Vincentius Whelan

Episcopus Why1.s

9. - 1851 XI 17, Baltimore. - Ultima pars epistulae Francisci Patritii Kenrick ad Card. Fransonii. - *Orig.*: APF SRCG vol. 975 f° 99; *copia* typis cusa: APF Acta vol. 214 f° 53^v-54 (Sommario n. IX).

Eminentissime et R.me Pater

[...]

Liceat adjungere omnia feliciter hactenus contigisse, meque litteras jamjam editurum [esse] convocationis concilii pro quarta post Pascham dominica (20). De successore in Sede Philadelphensi magna me tenet sollicitudo; vix enim res moram patitur, quum Ecclesiae cathedralis erectio a quinquennio coepta, vix possit progredi sede vacante, et res temporales illius Dioeceseos et spirituales providum et peritum exigant rectorem. Ex tribus quos jam commendavi sacerdotibus P. Joannes Nepomucenus Neumann dignissimus certo est, si pietatem, doctrinam, peritiam munerum ecclesiasticorum, aliasque egregias dotes spectes, et Anglico idiomate, sicut et Germanico, facile utitur; sed dissimulare non possum ei obstare in civitate adeo insigni, quod Bohemus sit gente, ideoque haud adeo facundus ad aures demulcendas, moribus etiam diversus a nostratibus. Facundia, ingenio, rerum gerendarum temporalium peritia praestat Eduardus Purcell, et labe omni, quatenus noverim, caret, sed haud adeo praecellit virtute, zelo, disciplinae ecclesiasticae studio. Gulielmus Elder, alumnus Collegii Urbani, triginta duos annos natus, pietate et doctrina ornatur, sed haud valet rerum peritia gerendarum, quum hactenus in tradenda theologia in Collegio Emmitsburgensi occupatus sit. Baltimori ex genere spectabili pietate ortus, mihi carissimus est ob mores simplices et integros. Oro ut S. Congregatio pro sapientia sua seligat quantocyus, quem ex tribus idoneum magis et Ecclesiae utilem judicaverit.

Interim gratias amplissimas Summo Pontifici pro munere Archiepiscopali et Apostolici Delegati quo auctus sum ago, et Eminentiae V. Rev.mae, cujus in me gratiam toties expertus sum, meque ex animo profiteor

Addictissimum famulum:
Franciscus Patritius Kenrick
Archiep. Baltim.

Baltimori, 17 Novembris 1851

(20) Primum Concilium generale episcoporum in Statibus Unitis habitum, apertum in Baltimore die 9 V 1852.

10. - 1851 XI 20, Chicago. - Prima pars epistulae Jacobi Olivarii Van de Velde SI, Episcopi de Chicago, ad Card. Fransoni. - *Orig.*: APF SRCG vol. 975 f° 100; *copia* typis cusa: APF Acta vol. 214 f° 54-54^v (Sommaro n. X).

Chicagine, die 20 Nov. 1851

Illustrissime ac Eminentissime Praesul

Nuper accepi litteras ab Ill.mo ac Rev.mo Archiepiscopo electo Baltimorensi, quibus certiolem me facit, se pro Sede vacante Philadelphensi S. Sedi Apostolicae proposuisse Rev. D. Edw. Purcell (fratrem Archiep. Cincinnatiensis), Rev. P. Joannem Nep. Neumann (Congr. SS. Redemptoris), et Rev. Gul. Elder; et me urget, ut suffragium meum suae commendationi adjiciam.

Inter illos Rev. P. J. N. Neumann mihi videtur dignissimus et aptissimus, quippe qui omnibus virtutibus et dotibus, quae ad tale munus rite exercendum requiruntur, omnium sententia sit praeditus.

[...]

Eminentiae Vestrae

Infimus in Christo servus
† Jacobus Olivarius
Ep. Chicagin.

11. - [1851 XI fine - XII initio, Roma]. - Libellus supplex Brixii Queloz, Socii Procuratoris gen. CSSR, ad Pium PP. IX. - *Orig.*: APF SRCG vol. 975 f° 102-103; *copia* typis cusa: APF Acta vol. 214 f° 54^v-55 (Sommaro n. XI); *copia* manu scripta: AG XVI App., Liber votorum P.is Queloz pp. 64-66.

Beatissime Pater

Ante aliquot dies Congregatio Transalpina SS.mi Redemptoris novum clementiae Vestrae monumentum retulit (21) et jamjam ad Suos pedes nos prosternimus, aliam gratiam, sed omnium maximam supplicaturi.

Innotuit nobis, Beatissime Pater, inter tres candidatos pro Sede Episcopali Philadelphiae in Statibus Foederatis Americae Reverendum Patrem Neumann Congregationis nostrae Transalpinae numerari.

Jam vero ipsemet P. Neumann, rei certior factus, scripsit Vi-

(21) Probabiliter agitur de rescripto pontificio diei 2 XI 1851, quo ad annum prorogata est dispensatio a decretis diei 25 I 1848 quoad receptionem novitiorum. - *Documenta authentica facultatum et gratiarum spiritualium quas Congregationi SS. Redemptoris S. Sedes concessit...*, Regensburg 1903, 236 n. 158.

cario nostro generali, eum deprecans ut Beatitudinem Vestram exoret in nomine Jesu Christi et S. Alphonsi, qui abhorrebat Episcopatum, ne eum eligat.

Haecce mandans mihi, Vicarius Generalis subdit: «Dicat Reverentia Vestra SS. Domino Nostro Pio IX et Congregationis nostrae Transalpinae Patri, quod si nostras humillimas preces exaudire dignetur, me gratiam hanc Suae paternae pietatis omnium specialissimam existimaturum esse» (22).

Liceat sensuum nostrorum rationes proferre:

Primo. Votum nuncupamus nec acceptandi nec quaerendi directe vel indirecte dignitates atque etiam oblatas renuntiandi. - Prosequitur ergo Vicarius Generalis: «exoret Reverentia Vestra Sanctitatem Suam, ut consoletur corda nostra non nominando prae- laudatum Patrem ad Episcopatum, saltem non imponendo illi prae- ceptum acceptandi».

Secundo. Haec prima nominatio funestissimum exemplum esset in futurum pro aliis nostris provinciis. Liberatio a dignitatibus, quam efflagitamus, excitabit zelum indefessum Vicarii Generalis et aliorum nostrorum Superiorum in sustentanda et augenda disciplina regulari. Hoc etiam respectu, Beatissime Pater, desideramus distingui a Congregatione Neapolitana SS. Redemptoris, scilicet ne unquam apud nos videantur Episcopi et jure merito (23).

Tertio. Habere Episcopos apud nos cum tempore, imo statim vergere potest in damnum nostrae nascentis Congregationis et creare non paucas difficultates Superioribus Ordinis, non propter voluntates hominum, sed propter rerum humanarum cursum. Non sunt vani hi timores. Hujus eventus exempla sub oculis habemus.

Quarto. Utinam ergo nos Redemptoristae Transalpini mereamur gratiam, qua sibi a S. Sede Apostolica concessa congratulatur insignis Societas Jesu, quod tantum vergit in bonum illius Ordinis et est fons abundantissimae messis in vinea Domini, liberari nempe a dignitate Episcopali. Si hac gratia apud S. Sedem digni invenimur, pro modulo nostro ampliores labores exantlare conabimur in defendenda et propaganda fide et animabus Christo ubique terrarum lucrandis.

(22) Uti iam in introductione notavimus, epistula P. is Neumann ad P. em Smetana et alia P. is Smetana ad P. em Queloz nos latent.

(23) Annis 1818-1848 novem confratres in Regno Neapolitano ad dignitatem episcopalem promoti sunt (quorum an. 1851 quinque erant in vita), quod tamen superioribus minime gratum erat, uti patet v.g. ex epistula, quam Vic. gen. Iosephus Di Paola die 10 II 1824 dedit Vic. gen. Iosepho Passerat; edita in *Spic. hist.* 9 (1961) 197.

Quinto. Congregatio nostra specialiter laborat ad sustentandam fidem tot millium incolarum gentis Germanicae in America, quae maxime spirituali succursu destituta est. Jamvero incredibile dictu, quantum illa gens et nostra Provincia Americana indigeat subjectis longae experientiae et maturae aetatis; sunt autem tales pauci et hos inter numeramus P. Neumann.

Ideo, Beatissime Pater, Vicarius Generalis, Superior Provincialis in America (24) et ego infrascriptus convolamus et prosterimus nos ad pedes Sanctitatis Vestrae, eam enixe deprecantes, ut integrae Congregationi et Provinciae Americanae illum congregatum conservet.

In tota Congregatione Transalpina SS. Redemptoris ad Coelum funduntur preces, ut, S. Alphonso intercedente, ejus filii nunquam dignitate Episcopali vigeant. Confidimus Beatitudinem Vestram, cujus oracula ceteroquin semper adorabimus, nobis talia sensa condonare, quia fuerunt sancti Fundatoris nostri sensa, quia credimus hoc quod petimus nostrum bonum esse.

Profundissima ergo humilitate nostros timores et nostras indigentias ad pedes Sanctitatis Vestrae deponentes, confidimus constantissimae Suae erga nos clementiae et benevolentiae, ac benedictionem Apostolicam imploramus.

Beatitudinis Vestrae

Humillimus obsequiosissimus
gratissimusque servus
B. Queloz, Socius Procuratoris gen.
Congregationis SS. R.

12. - 1851 XII 8, Koblenz. - Libellus supplex Rudolphi von Smetana, Vicarii gen. CSSR Transalpinae, ad Pium PP. IX. - *Orig.*: APF SRCCG vol. 975 f° 104-104^v; *copia* typis cusa; APF Acta vol. 214 f° 55^v-56 (Sommario n. XII); *adumbratio-minuta*: AG Pr.Am. V Personalialia (Neumann) (25).

Beatissime Pater!

Litteris certior factus, inter candidatos pro vacante Sede Episcopali Philadelphina in Statibus Foederatis Americae septentrionalis P. Joannem Neumann Congregationis nostrae Transalpinae (26)

(24) Bernardus Hafkenschaid, Vice-Provincialis nominatus mense X 1848 (WUEST, *Annales CSSR Prov. Americanae* I, Ilchester 1888, 410-411), post erect. Prov. Americanae (die 29 VI 1850; WUEST, *Annales* II 416) die 1 I 1851 primus Superior Provincialis nominatus est (*ibid.* 442).

(25) Tam epistula originalis in APF conservata, quam adumbratio-minuta epistulae in AG sunt integre m. p. a P.e Smetana scriptae. - Adsunt circa 10 leves variantes, quarum in notis 26-30 quasdam indicamus, alias negligentes utpote nullius momenti.

(26) In adumbratione: *Congregationis nostrae alumnum.*

propositum atque commendatum esse, ad pedes Sanctitatis Vestrae provolutus, humillime deprecor, ut Sanctitas Vestra imminentem hanc Congregationi calamitatem benigne a nobis avertere dignetur. - Rationes humillimam meam petitionem sustentantes paucis exponam :

1°. Regula nostra a Benedicto XIV f.m. approbata sub gravi omnes Instituti nostri professos obligat ad renunciandum in perpetuum omnibus dignitatibus, officiis et beneficiis extra Congregationem, et ad recusanda ea quae ipsis oblata fuerint.

2°. Quanta sit hujus praecepti sapientia, quanti inviolata ejus custodia conferat ad humilitatem, sui ipsius abnegationem et disciplinam regularem tuendam atque conservandam, quantaque mala sint pertimescenda, si unquam alumni nostris pateret via ad ecclesiasticas dignitates, non est, quod copiosius explicemus; verissima enim esse, quae modo asseruimus, experientia testatur (27).

3°. Quod speciatim Provinciam nostram Americanam (28) attingit: Patres nostri ibidem labores suos imprimis impendunt in adjuvandis Germanis, inter omnes nationes maxime in America derelictis et ope spirituali destitutis. Neminis ideo magis interest, ut Provincia nostra (29) disciplina et zelo vigeat, et insignibus operariis numquam non careat, quam eorumdem Germanorum. Imo confidenter affirmare audeo, plus commodi et utilitatis saluti Germanorum universaeque Ecclesiae Catholicae in America accessurum esse continua et impigra Missionariorum nostrorum in ipsa nostra Congregatione efficacitate, quam unius Dioecesis recta administratione, pro qua ceteroquin alii viri dignissimi non desunt.

4°. Quamvis in Provinciis Europaeis tanta sit laborum copia, ut vires nostrae vix suppetant, nihilominus, attentis extremis Catholicorum praesertim Germanorum in America necessitatibus, eximios Missionarios in Provinciam Americanam misimus; si autem ex his ad Sedes Episcopales promoverentur et ideo Congregationi nostrae subtraherentur, impar essem lacunis inde ortis explendis, et ipsa Provinciae Americanae existentia in discrimen vocaretur.

Instantissime ergo oro et obsecro, ut Sanctitas Vestra tot et tantis clementiae et benevolentiae erga minimam nostram Congre-

(27) In adumbratione ultimus passus stilo plumbeo partim rescriptus est sequenti modo: Quanta sit huius praecepti sapientia, quanti inviolata ejus custodia conferat ad disciplinam regularem tuendam et conservandam, quantaque mala *ex contrario* sint pertimescenda, non *opus est ut copiosius explicetur, cum rei natura edoceatur.* - Verba omissa, prius atramento scripta, non sunt deleta sed uncis plumbeis inclusa.

(28) In adumbratione hic sequuntur verba: *nuperrime constitutam.* - Cfr supra not. 24.

(29) In adumbratione: *Provincia nostra Americana.*

gationem Transalpinam testimoniis novam et pretiosissimam gratiam adjicere, et I° Patri Joanni Neumann praeceptum obedientiae pro acceptanda dignitate Episcopali non imponere, et II° in genere benigne declarare et mandare dignetur, in posterum alumnos nostrae Congregationis Transalpinae pro vacantibus Sedibus Episcopalibus non esse proponendos.

Pedes Sanctitatis Vestrae summa veneratione exosculans, Benedictionem Apostolicam pro me et cunctis Congregationis Transalpinae alumnis devotissime imploro (30).

Sanctitatis Vestrae

humillimus et obedientissimus servus ac filius

Rudolphus Smetana C.SS.Red. Vicarius Generalis

Confluentiae, die 8^a Decembris 1851

13. - 1851 XII 12, Pittsburgh. - Epistula Michaelis O'Connor, Episcopi de Pittsburgh, ad Card. Frasoni. - *Orig.*: APF SRCG vol. 975 f° 81-81^v; *copia* typis cusa: APF Acta vol. 214 f° 47^v (Addizione al Sommario).

Eminentissime Princeps

Archiepiscopus Baltimorensis indicavit, se nomina Dominorum E. Purcell, J. Neumann, et Elder Eminentiae Tuae commendasse, ex quibus unum seligere Te rogavit pro Dioecesi Philadelphensi. Cum nunc meum fiat, Eminentiae Tuae indicare quid de illis sentiam, haec brevi dicam.

D.nus Purcell peritia in rebus temporalibus agendis eminet. Moribus, ni fallor, illibatis aequae illustris est. Nullam autem occasionem nactus sum cognoscendi, quali scientia ecclesiastica vel quanta pietate ornetur. Optime praedicare dicitur, scriptor est elegans et promptus, moribus etiam affabilis et quamvis in Hibernia natus hominem Americanum induisse videtur.

Pater Neumann est vir vere doctus et pius et in ecclesiasticis aequae ac in temporalibus rebus agendis versatus. Illum bene novi, dum in hac urbe superior erat Redemptoristarum, et semper maximi habui. Non dubito, quin Episcopus insignis esset, sed vix auderem illum pro Sede Philadelphensi commendare. Quamvis satis bene loquatur Anglice, non potest cum honore praedicare, et hoc Episcopo absolute necessarium hic est, et aliunde homines illius urbis vix illum aestimarent. Aegre valde ferrent hominem a moribus hujus regionis tam alienum illis imponi, nec utilitas Ecclesiae patitur, ut huic illorum sensui vis nimia afferatur.

(30) In adumbratione: *supplico*.

D.nus Elder, utpote Collegii Urbani alumnus, Eminentiae Tuae bene notus esse debet. Ex tribus solus est Americanus. Hoc illum commendat, sed vix aliam cognosco in eo qualitatem, quae eum tanto muneri aptum commendaret. Bonus quidem est, sed nec experientia nec alia qualibet re eum insignem esse unquam audivi. E contrario illum utpote virum in omnibus valde mediocre[m] semper audivi.

Cum omni quo par est obsequio maneo

Eminentiae Tuae

famulus humilis

✠ M. O'Connor

Ep. Pittsburgen.

Pittsburgi, die 12 Dec. 1851

14. - 1852 I 2, Richmond. - Epistula Ioannis McGill, Episcopi de Richmond, ad Card. Fransoni. - *Orig.*: APF SRC America Centrale vol. 16 f° 22-23 (31).

Eminentissime Princeps

Cum nuper a Sanctissimo Patre Rev.mus D.nus Franciscus P. Kenrick in Sedem Metropolitanam Baltimorem esset translatus, Ecclesia Philadelphiensis nunc episcopo caret. Ipse novus Archiepiscopus Baltimorensis nomina trium sacerdotum pro hac Sede vacante adduxit, quorum haec sunt nomina :

Dignissimus : Admodum Rev.dus D.nus Eduardus Purcell, ex Hibernia ortus, et nunc Dioeceseos Cincinnatensis Vicarius Generalis; - *Dignior* : Rev.dus D.nus Neumann, in Germania natus, et Societatis SS. Redemptoris socius; - *Dignus* : Rev.dus D.nus Guillelmus Elder, Seminarii Stae Mariae (vulgo Emmittsburg, Maryland) professor, et in foederatis provinciis Americae Sept. natus.

De commendatis in secundo et tertio loco perpauca dicere possum, quia merita et dotes eorum particulariter non cognosco; sed in meo iudicio neutrum pro hac dignitate, in civitate tam magna, turbulenta, difficili et adversariis nostrae sanctae religionis malignis tam plena, eligere expedit. Qui positus est ut dignior, Rev.dus D.nus Neumann, linguam Anglicam non satis bene loquitur, et timeo ne ejus electio, quamvis iis qui Germanica lingua utuntur acceptabilis, populo Americano minime gratiosa foret; et in nostra patria lingua Anglica principalis et magis episcopo necessaria et est nunc et in futuro esse debet.

(31) Haec epistula tardius Romam advenit, ut in « positione » typis imprimi posset.

Mihi videtur quod, omnibus mature perpensis, ex tribus commendatis pro hac Ecclesia, admodum Rev.dus D.nus E. Purcell longe praefendus sit. Sacerdos est enim bonis moribus, virtutibus et dotibus praeditus, qui eximia aestimatione ut praedicator eloquens, pastor fidelis, et administer (32) peritus gaudet. Cum gratulatione et gaudio a clero populoque fideli istius Dioeceseos reciperetur, si a Sanctissimo Patre eorum episcopus eligeretur.

Hoc tam magnum negotium Excellentissimo Pontifici Maximo et Eminentiae Tuae commendans, Benedictionem Apostolicam et etiam Tuam reverenter et humiliter efflagitans.

Eminentiae Tuae sum famulus humillimus in Jesu Christo

Joannes McGill
E.pus Richmonden.

Richmond, die 2^a Januarii MDCCCLII

15. - 1852 I 26, Roma. - Acta Congregationis generalis habitae super electione Episcopi de Philadelphia.

a. - Informatio cum dubiis solvendis typis cusa. - APF Acta vol. 214
p^o 46-47.

E.mi e R.mi Signori

1. - Stante la traslazione di Monsig. Francesco Patrizio Kenrick all'Arcivescovato di Baltimore, rimaneva vacante la Chiesa Episcopale di Filadelfia: quindi a tenore dei Decreti, coi quali viene stabilito il metodo della proposta o raccomandazione dei Vescovi degli Stati Uniti di America, l'istesso Monsig. Kenrick divisò tre soggetti atti all'ufficio, e nel darne parte alla S.C. ne avvertì pure gli altri Arcivescovi ed i Vescovi della Provincia stessa Baltimorese, cui appartiene Filadelfia, onde in proposito inviassero i lor sentimenti. Sebbene non si abbiano precisamente i voti di tutti i Prelati, siccome però fin dal principio di Ottobre venne fatta da Monsig. Kenrick l'analoga interpellazione e rilevandosi dalle lettere dello stesso Monsig. Arcivescovo di Baltimore, che non senza pregiudizio quella Diocesi resterebbe a lungo vacante, si è quindi stimato conveniente di esibire all'EE. VV. R.me i documenti già ricevuti.

2. - I soggetti prescelti dall'Arcivescovo di Baltimore sono:

1. D. Eduardo Purcell, fratello dell'Arcivescovo di Cincinnati;
2. P. Giovanni Neumann, Redentorista; 3. D. Guglielmo Elder, già alunno del Collegio Urbano, addetto alla Diocesi Baltimorese

(32) Administrator.

(Somm. n. 1). Peraltro lo stesso Prelato ebbe quindi cura di far conoscere (Somm. n. 4), che per aderire alle istanze del Vescovo di Richmond avea dato il primo posto al Purcell, mentr'egli credeva doversi assolutamente preferire il P. Neumann. Finalmente nel num. 9 egli stesso Monsig. Kenrick, rinnovando le istanze per la sollecita elezione del Vescovo di Filadelfia, a fronte degli elogi dati ai tre proposti non tralascia di opporre le eccezioni che a ciascuno potrebbon farsi.

3. - Dagli Arcivescovi non si hanno propriamente che le lettere di Monsig. Blanc di Nuova Orleans e di Monsig. Riccardo Kenrick di S. Louis, fratello dell'Arcivescovo Baltimorese, i quali si uniformano alla proposta di detto Arcivescovo di Baltimora (Somm. nn. 2 e 3). Sembrò opportuno proporre alla considerazione dell'EE. VV. una lettera dell'Arcivescovo di New York, diretta a spiegare e dichiarar meglio le osservazioni antecedentemente proposte sulla scelta dei Vescovi per gli Stati Uniti di America, quando trattavasi di provvedere la vacante Sede Baltimorese (33). Peraltro manca il parere di quel Prelato rapporto alla terna dei soggetti proposti per Filadelfia; come pure nulla si è ricevuto per parte di Monsig. Purcell, Arcivescovo di Cincinnati, che può credersi siasi astenuto dall'interloquire, trovandosi per primo nella terna il di lui fratello.

4. - Per quello in fine che riguarda i suffraganei della Provincia Baltimorese, il Vescovo di Charleston (num. 5) raccomanda in modo specialissimo il P. Neumann. Il Vescovo di Savannah (num. 6) proporrebbe di trasferire a Filadelfia Monsig. O'Connor, Vescovo di Pitzburg [*sic*]; né dee lasciarsi inosservato che secondo la lettera dell'Arcivescovo di New York, essendo riconosciute dal Governo le proprietà della Chiesa di Pitzburg, il cambiamento del Vescovo per questo riguardo incontrebbe ivi minori difficoltà. In tal caso il Vescovo di Savannah si dichiara in favore di D. Eduardo Purcell per la sede di Pitzburg che rimarrebbe vacante. Il Vescovo di Veheling [*sic*] (Somm. n. 8) propone delle osservazioni sopra i tre soggetti; ma in fine viene a dare la preferenza al secondo fra i proposti, ch'è il P. Neumann Redentorista. Non si è ommesso di aggiungere il parere del Vescovo di Chicago, esso pure in favore del P. Neumann, quantunque, essendo Chicago nella Provincia di S. Louis, questo Vescovo non è fra i chiamati ad esternare il proprio parere in questo affare. Era già compito il Sommario di questa Pienza, quando si ebbe la lettera

(33) Hanc epistulam non transcripsimus; cfr supra Doc. 7.

del Vescovo di Pitzburg, che si aggiunge dopo i dubbj. Il di lui giudizio non è molto favorevole al P. Neumann e a D. Guglielmo Elder; viene meglio esibito il primo fra i proposti, D. Eduardo Purcell. Non manca quindi se non il voto del Vescovo di Richmond (34), il quale, per quanto ne scrive Mons. Arcivescovo di Baltimore (num. 4), è decisamente in favore di D. Eduardo Purcell. Nel libretto intitolato *Gerarchia* ec. si aggiunge Providence fra le Chiese suffraganee di Baltimore; ma questo è l'antico titolo della Diocesi di Hartford, suffraganea di New York, non di Baltimore.

5. - In fine è da notarsi che lo stesso D. Eduardo Purcell fu già proposto per la Sede di Chicago fin dal 1848. Dalla relativa Ponenza, riferita nel mese di settembre del predetto anno, l'EE. VV. potranno rilevare le informazioni che allora si davano rapporto a questo soggetto. Finalmente l'attenzione dell'EE. VV. vien richiamata ai due numeri del Sommario, nei quali l'Agente dei Redentoristi in Roma ed il Vicario Generale di quella Congregazione, residente in Germania, si studiano di impedire la elezione del P. Neumann.

Sono quindi pregate l'EE. VV. Rev.me di risolvere i seguenti

DUBBJ

1. Supposto che abbiansi i necessarj elementi per divenire alla scelta del Vescovo di Filadelfia, se abbia a seguirsi la proposta del Vescovo di Savannah con trasferirvi Mons. O'Connor, Vescovo di Pitzburg?
 2. *Quatenus affirmative*, se procedere alla scelta del Vescovo di Pitzburg, profittando della terna esibita per Filadelfia?
 3. *Quatenus negative*, per quale dei proposti soggetti abbia a supplicarsi il S. Padre, onde provvedere la vacante Sede di Filadelfia?
15. - 1852 I 26, Roma. - Acta Congregationis generalis habitae super electione Episcopi de Philadelphia.
- b. - Notitia manu scripta Exc.mi Alexandri Barnabò, S. Congregationis de Propaganda Fide secretarii, de exitu Congregationis generalis habitae. - APF Acta vol. 214 f° 48.

In Congregatione Generali habita die 26 Januarii 1852

(34) Doc. 14.

E.mi Patres Castracane, Mattei, Patrizj, Barberini, Amat, Orioli, Altieri, Simonetti et Riario (35) ad propositas quaestiones respondendum censuerunt prout sequitur :

Ad 1. - Affirmative ad primam partem, negative ad secundam

Ad 2. - Provisum in praecedenti

Ad 3. - Supplicandum SS.mo pro R. P. Ioanne Neumann e Congregatione SS.mi Redemptoris, praevia dispensatione a voto emisso non acceptandi nec quaerendi directe vel indirecte dignitates atque etiam oblatas renunciandi et injuncto praecepto obediendi.

Pro E.mo Praefecto Relatore aegrotante
Al. Barnabò a secretis

16. - 1852 II 1, Roma. - Notitia manu scripta Exc.mi Alexandri Barnabò de confirmatione pontificia resolutionis Congregationis generalis diei 26 I 1852. - APF Acta vol. 214 fº 48.

Ex Audientia SS.mi die 1 Februarii 1852

SS.mus, audita relatione matureque perpensis omnibus locorum et personarum adjunctis nec non E.morum Patrum suffragiis, eorundem sententiam plene probavit ac confirmavit, jussitque expediri consuetis literis in forma Brevis.

Al. Barnabò a secretis

17. - 1852 II 5, Roma. - Decretum S. Congregationis de Propaganda Fide de electione Exc.mi Neumann. - *Minuta*: APF Lettere e Decreti della S. C. e Biglietti di Mons. Segretario, vol. 341 (1852 I) fº 240.

Decretum S. Congregationis de Propaganda Fide. Filadelfia. 5 Februarii 1852.

Cum ob translationem R. P. Domini Francisci Patritii Kenrick ab Ecclesia Philadelphiensi in foederatis Americae septentrionalis provinciis ad Metropolitanam Sedem Baltimoreensem memorata Philadelphiensis Ecclesia de novo Episcopo sit providenda, Sacra Congregatio de Propaganda Fide in generali conventu habito die 26 Januarii 1852, omnibus mature perpensis, censuit supplicandum SS.mo, ut ad vacantem Episcopatum Philadelphiensem dignetur assumere R. P. Joannem Neumann e Congregatione SS.mi Redemptoris, de cujus probitate, doctrina ac zelo in sacro

(35) Em.mus Thomas Riario-Sforza, Card. Diaconus S. Mariae in Via Lata (*8 I 1782 Neapoli, Card. creatus 10 III 1823 a Pio VII, † 14 III 1857 Romae), bene distinguendus ab Em.mo Xysto Riario-Sforza, archiepiscopo neapolitano (*5 XI 1810 Neapoli, Card. creato 19 I 1846 a Gregorio XVI, † 29 IX 1877 Neapoli).

obeundo ministerio plura eaque gravissima documenta prolata sunt, praevia dispensatione a voto emisso non acceptandi nec quaerendi directe vel indirecte dignitates atque etiam oblatas renunciandi.

Hanc vero S. C. sententiam, SS.mo Domino Nostro Pio Papae IX ab infrascripto S. Congregationis Secretario relatam in audientia diei 1 Februarii, Sanctitas Sua benigne in omnibus probavit literasque apostolicas in forma Brevis expediri iussit, contrariis quibuscumque non obstantibus.

Datum etc.

Eodem die 5 II 1852 superscriptum decretum missum est Em.mo Aloisio Lambruschini, Brevium Pontificiorum secretario, « onde possa farsi la spedizione dell'Apostolico Breve » (36). Cum epistula diei 21 II Breve nominationis Exc.mi Neumann transmissum est Exc.mo Francisco Kenrick (37), qui die 19 III documentum recepit (38) et postridie in Collegium S. i Alfonsi, Baltimore, detulit (39). - Die tamen 1 III nuntius de nominatione iam ad Exc.mum Kenrick pervenerat (40).

(36) APF Lettere e Decreti della S. C. e Biglietti di Mons. Segretario vol. 341 (1852 I) f° 245^v.

(37) Ibid. f° 228^v.

(38) Ita ipse Neumann in curriculo vitae; cfr *Spic. hist.* II (1963) 104.

(39) Ibid.

(40) Cfr CURLEY, *Ven. John Neumann* 175.